

摛藻堂四庫全書薈要

史部

欽定四庫全書叢要

史部

水經注卷

二十一



詳校官編修臣繆晉

臣紀昀詳校

欽定四庫全書會要卷七千六百三十一

史部

水經注卷二十

後魏 鄖道元 撰

漾水 丹水

漾水

出隴西氐道縣嶓冢山東至武都沮縣爲漢水

常璩華陽國志曰漢水有二源東源出武都氐道縣  
漾山爲漾水禹貢導漾東流爲漢是也西源出隴西

西縣嶓冢山

案近刻脫  
西縣二字

會白水逕葭萌入漢

案白水  
二字原

本及近刻訛作  
一泉字今改正

始源曰沔按沔水出東狼谷逕沮縣

入漢漢中記曰嶓冢以東水皆東流嶓冢以西水皆

西流即其地勢源流所歸故俗以嶓冢爲分水嶺即

此推沔水無西入之理劉澄之云有水從阿陽縣阿

近刻訛

案近刻訛

南至梓潼漢壽入大穴暗通岡山郭景純亦

作沔

案近刻訛

言是矣岡山穴小本不容水水成大澤而流與漢合

庾仲雍又言漢水自武遂川南入蔓葛谷越野牛逕

至關城

案近刻訛

合西漢水故諸言漢者多言西漢

水至葭萌入漢又曰始源曰沔是以經云漾水出氏  
道縣東至沮縣爲漢水東南至廣魏白水診其沿注  
似與三說相符而未極西漢之源矣然東西兩川俱  
受沔漢之名者義或在茲矣班固地理志司馬彪袁  
山松郡國志並言漢有二源東出氐道西出西縣之  
嶓冢山闕駟云漢或爲漾漾水出崑崙西北隅至氐  
道重源顯發而爲漾水又言龍西西縣案近刻脫  
一西字嶓

冢山在西西漢水所出南入廣魏白水又云漾水出

鴻道東至武都入漢許慎呂忱並言漾水出隴西鴻  
道東至武都爲漢水不言氏道然鴻道在冀之西北  
案鴻道冀前漢並屬天水後漢並屬漢陽又隔諸川無水南入疑出鴻道  
之爲謬矣又云漢漾也東爲滄浪水山海經曰嶓冢  
之山漢水出焉而東南流注于江然東西兩川俱出  
嶓冢而同爲漢水者也孔安國曰泉始出爲漾其猶  
濛耳而常璩專爲漾山漾水當是作者附而爲山水  
之殊目矣余按山海經漾水出崑崙西北隅而南流

注於醜塗之水穆天子傳曰天子自秦山西征至于赤烏氏已卯北征庚辰濟于洋水辛巳入于曹奴曹奴人戲觴天子于洋水之上

案近刻脫曹奴二字人上有之字

乃獻

良馬九百牛羊七千天子使逢固受之天子乃賜之黃金之鹿戲乃膜拜而受余以太和中從高祖北巡狄人猶有此獻雖古今世殊而所貢不異然川流隱伏卒難詳照地理潛闕變通無方復不可全言閼氏之非也雖津流派別枝渠勢懸原始要終潛流或一

故俱受漢漾之名納方土之稱是其有漢川漢陽廣漢漢壽之號或因其始或據其終縱異名互見猶爲漢漾矣川共目殊或亦在斯今西縣嶓冢山西漢水所導也然微涓細注若通羃歷津注而已西流與馬池水合水出上邽西南六十餘里謂之龍淵水言神馬出水事同余吾來淵之異故因名焉開山圖曰隴西神馬山有淵池龍馬所生即是水也其水西流謂之馬池川又西流入西漢水西漢水又西南流左得

蘭渠溪水次西有山黎谷水次西有鐵谷水次西有  
石耽谷水次西有南谷水並出南山楊湍北注右得  
高望谷水次西得西溪水次西得黃花谷水咸出北  
山飛波南入西漢水又西南資水注之水北出資川  
導源四壑南至資峽總爲一水出峽西南流注西漢  
水西漢水又西南得峽石水口水出苑亭西草黑谷  
三溪西南至峽石口合爲一瀆東南流屈而南注西  
漢水西漢水又西南合楊廉川水水出西谷衆川瀉

流合成一川東南流逕西縣故城北秦莊公伐西戎  
破之周宣王與其先大駱大丘之地

案近刻

爲西垂

大夫亦西垂宮也

案宮近刻  
訛作官

王莽之西治矣建武八

年世祖至阿陽

案阿陽近刻  
訛作陽河

竇融等悉會天水震動

隗囂將妻子奔西城從楊廣廣死囂愁窮城守時潁  
川賊起車駕東歸留吳漢岑彭圍囂岑等壅西谷水  
以縑幔盛土爲堤灌城城未沒丈餘水穿壅不行地

中數丈涌出故城不壞王元請蜀救至

案近刻  
王元二字

漢

等退還上邦但廣廉字相狀後人因以人名名之故

習鴻爲楊廉也

案鴻近刻作僞

置楊廉縣焉又東南流右會

茅川水水出西南戎溪東北流逕戎丘城南吳漢之

圍西城王捷登城向漢軍曰爲隗王城守者皆必死

無二心願諸將亟罷請自殺以明之遂刎頸而死又

東北流注西谷水亂流東南入于西漢水西漢水又

西南逕始昌峽

案近刻此下有始昌縣故城西六字係衍文重出

晉書地道

記曰天水始昌縣故城西也亦曰清崖峽西漢水又

西南逕宕備戍南左則宕備水自東南西北注之右則鹽官水南入焉水北有鹽官案近刻脫北字在嶓冢西五十許里相承營煮不輟味與海鹽同故地理志云西

縣有鹽官是也其水東南逕宕備戍西東南入漢水漢水又西南合左谷水水出南山窮溪北注漢水又

西南蘭臯

案臯近刻訛作軍宋本訛作單

水出西北五交谷

案出下近刻衍

于字東南歷祁山軍東南入漢水漢水又西南逕祁山

軍南鷄水南出鷄谷

案南出近刻訛作出南

北逕水南縣西北

流注于漢漢水又西建安川水入焉其水導源建威  
西北山白石戌東南二源合注

案源下近  
刻行水字

東逕建威

城南又東與蘭坑水會水出西南近溪東北逕蘭坑  
城西東北流注建安水建安水又東逕蘭坑城北建  
安城南其地故西縣之歷城也楊定自龍右徙治歷  
城即此處也去仇池百二十里後改爲建安城其水  
又東合錯水水出錯水戌東南而東北入建安水建  
安水又東北有雉尾谷水又東北有大谷水又北有

小祁山水並出東溪揚波西注又北左會胡谷水水

西出胡谷東逕金盤歷城二軍北軍在水南層山上

其水又東注建安水建安水又東北逕塞峽元嘉十

九年宋太祖遣龍驤將軍裴方明伐楊難當難當將

妻子北奔

案近刻脫  
難當二字

安西參軍魯尚期

案軍近刻  
訛作將

追

出塞峽即是峽矣左山側有石穴洞人言潛通下辨

所未詳也其水出峽西北流注漢水漢水北連山秀

舉羅峰競峙祁山在嶓冢之西七十許里山上有城

極爲巖固昔諸葛亮攻祁山即斯城也漢水逕其南  
城南三里有亮故壘壘之左右猶豐茂宿草蓋亮所  
植也在上邽西南二百四十里開山圖曰漢陽西南  
有祁山蹊徑逶迤

案蹊近刻訛作溪

山高巖險九州之名阻

天下之奇峻今此山于衆阜之中亦非爲傑矣漢水  
又西南與甲谷水合水出西南甲谷東北流注漢水

漢水又西逕南岝北岡中

案近刻訛作南岝北岡之六字

上下有

二城相對左右墳壠低昂亘山被阜古諺云南岝北

岷萬有餘家諸葛亮表言祁山去沮縣五百里

案去丑縣

近刻訛作縣  
出租脫里字

有民萬戶矚其丘墟信爲殷矣漢水西

南逕武植戍南武植戍水發北山二源竒發合于安

民戌南又南逕武植戍西而西南流注于漢水漢水

又西南逕平夷戌南又西南夷水注之水出北山南

逕其戌西南入漢水漢水又西逕蘭倉城南又南右

會兩溪俱出西山東流注于漢水張華博物志云溫  
水出鳥鼠山下注漢水疑是此水而非所詳也漢水

又南入嘉陵道而爲嘉陵水世俗名之爲階陵水

案世

上近刻  
行然字

非也漢水又東南得北谷水又東南得武街

水

案近刻訛  
作城階水

又東南得倉谷水右三水並出西溪東

流注漢水漢水又東南逕瞿堆西又屈逕瞿堆南絕

壁峭峙孤險雲高望之形若覆唾壺

案近刻訛  
壺下行其字

高二十餘里羊腸蟠道三十六迴開山圖謂之仇夷

所謂積石嵯峨嶮岑隱阿者也上有平田百頃煮土成鹽因以百頃爲號山上豐水泉所謂清泉湧沸潤

氣上流者也漢武帝元鼎六年開以爲武都郡天池

大澤在西故以都爲目矣

案近刻  
此下近

王莽更名樂平郡

縣曰循虜

案近刻  
行縣字

又范蔚宗云郡居河池一名仇

池池方百頃卽指此也左右悉白馬氏矣漢獻帝建

安中有天水氏楊騰者世居隴右爲氏大帥子駒勇

健多計徙居仇池魏拜爲百頃氏王漢水又東合洛

谷水水有二源

案近刻訛作合  
洛谷谷有二源

同注一壑逕神蛇戌

西

案同上近刻  
行合字逕訛作於

左右山溪多五色蛇性馴良不爲

物毒洛谷水又南逕虎馗戍東又南逕仇池郡西瞿

堆東西南入漢水漢水又東合洛溪水

崇漢近刻訛  
作漢下同

水北發洛谷南逕威武戍南又西南與龍門水合水

出西北龍門谷東流與橫水會東北窮溪即水源也

又南逕龍門戍東又東南入洛溪水又東南逕上祿

縣故城西脩源濱道逕引北溪南總兩川單流納漢

漢水又東南逕濁水城南又東南會平樂水水出武

街東北四十五里更馳南溪導源東北流山側有甘

泉涌波飛清

案近刻訛作流

下注平樂水

案樂近刻作洛下同訛

又逕

甘泉戌南又東逕平樂

戌南又東入漢謂之會口漢

水東南逕脩城道南與脩水合水總二源東北合漢

漢水又東南于槃頭郡南與濁水合水總二源東北合漢

流與丁令溪水會其水北出丁令谷南逕武街城西

東南入濁水濁水又東逕武街城南故下辨縣治也

李琀李稚

案琀近刻訛作倉

以氏王楊難敵妻死葬陰平

案楊

難敵近刻訛  
作揚敵堅

襲武街爲氏所殺于此矣今廣業郡治

案魏書地形志槃頭郡廣業郡皆屬東益州後凡數見又云東益州之廣業郡朱謀埠于其下並云宋本

作廣漢蓋此書爲宋人臆改者甚多故宋本亦往往不足據證濁水又東宏休水注

之水出北溪

案近刻訛作水北出溪

南逕武街城東而南流注

于濁水濁水又東逕白石縣南續漢書曰虞訥爲武

都太守下辨東三十餘里有峽峽中白水生大石障

塞水流春夏輒瀆溢敗壞城郭訥使燒石以鹽灌之

案鹽近刻作水石皆碎裂因鐫去焉遂無泛溢之害濁水即

白水之異名也濁水又東南逕陽水

案塗近刻訛作渥下同

北

出堊谷南逕白石縣東而南入濁水濁水又東南與

仇鳩水合水發鳩溪南逕河池縣故城西王莽之樂

平亭也其水西南流注濁水濁水又東南與河池水

合水出河池北谷南逕河池戌東西南入濁水濁水

又東南

案近刻  
脫入字

兩當水注之水出陳倉縣之大散嶺

西南流入故道川謂之故道水西南逕故道城東魏

征仇池築以置戍與馬鞍山水合水東出馬鞍山歷

谷西流至故道城東西入故道水西南流北川水注

之水出北洛櫟山南南流逕唐倉城下南至困家川  
入故道水故道水又西南歷廣香交合廣香川水水  
出南田縣利喬山南流至廣香川謂之廣香川水又  
南注故道水謂之廣香交故道水又西南入秦岡山  
尚婆水注之山高入雲遠望增狀若嶺紆曠軒峰柱  
月駕矣案枉近刻訛作駐懸崖之側列壁之上有神像若圖  
指狀婦人之容其形上赤下白世名之曰聖女神至  
于福應愆違方俗是祈水源自出利喬山南逕尚婆

川謂之尚婆水歷兩當縣之尚婆城南魏故道郡治也西南至秦岡山

案近刻脫  
秦岡二字

入故道水故道水又右

會黃盧山水

案又右會近刻  
訛作右又合

水出西北天水郡黃盧

山腹歷谷南流交注故道水故道水南入東益州之

廣業郡界

案廣業近刻作廣  
漢乃後人妄改

與沮水枝津合謂之兩

當溪水上承武都沮縣之沮水瀆西南流注于兩當溪虞訥爲郡漕穀布在沮從沮縣至下辨山道險絕水中多石舟車不通驢馬負運僦五致一訥乃于沮

受僦直約自致之即將吏民按行皆燒石榦木開漕  
船道水運通利歲省萬計以其僦廩與吏士年四十  
餘萬也又西南注于濁水濁水南逕槃頭郡東而南  
合鳳溪水上承濁水于廣業郡

案廣業近刻  
亦訛作廣漢

南逕

鳳溪中有二石雙叉高其形若闢漢世有鳳凰止焉

案止

近刻作至  
脫焉字

故謂之鳳凰臺北去郡三里水出臺下東

南流左注濁水濁水又南注漢水漢水又東南歷漢  
曲逕挾崖與挾崖水合水西出擔潭交

案擔近刻  
訛作擔

東

流入漢水漢水又東逕武興城南又東南與北谷水合水出武興東北而西南逕武興城北謂之北谷水南轉逕其城東而南與一水合水出東溪西流注北谷水又南流注漢水漢水又西南逕闕城北除水出西北除溪東南流入于漢漢水又西南逕通谷通谷水出東北通溪上承漾水西南流爲西漢水漢水又西南寒水注之水東出寒川西流入漢漢水又西逕石亭戍廣平水西出百頃川東南流注漢又有平阿

水出東山西流注漢水漢水又逕晉壽城西而南合  
漢壽水水源出東山西逕東晉壽故城南而西南入  
于漢水也

又東南至廣魏白水縣西

案廣魏朱謀璋云宋本作廣  
漢今考水經乃三國魏時所

撰宋人臆說以爲漢桑欽故改魏作漢耳永樂大典內之本仍作廣魏蓋舊本相承如是

又東南至

葭萌縣東北與羌水合

白水西北出于臨洮縣西南西傾山水色白濁東南  
流與黑水合水出羌中西南逕黑水城西又西南入

白水白水又東逕洛和城南洛和水西南出和溪東北流逕南黑水城西而北注白水白水又東南逕鄧至城南又東南與大夷祝水合水出夷祝城西南窮溪案南下近刻衍而字北注夷水又東北合羊洪水水出東南羊溪西北逕夷祝城東又西北流屈而東北注于夷水夷水又東北入白水白水又東與安昌水會水源發衛大西溪東南逕鄧至安昌郡南又東南合無累水無累水出東北近溪西南入安昌水安昌水又東

南入白水白水又東南入陰平得東維水水出西北

維谷東南逕維城西東南入白水白水又東南逕陰

平道故城南

案近刻脫道字

王莽更名摧虜矣即廣漢之北

部也廣漢屬國都尉治漢安帝永初三年

案安帝近刻訛作平

帝分廣漢蠻夷置又有白馬水

案近刻脫入字

出長松縣西

南白馬溪

案南下近刻行而字溪訛作漢

東北逕長松縣北而東北

注白水白水又東逕陰平大城北蓋其渠帥自故城徙居也白水又東偃溪水出西南偃溪東北流逕偃

城西而東北流入白水白水又東逕偃城北又東北逕橋頭昔姜維之將還蜀也雍州刺史諸葛緒邀之于此後期不及故維得保劖閣而鍾會不能入也白水又與羌水合自下羌水又得其通稱矣白水又東逕郭公城南昔郭淮之攻廖化于陰平也築之故因名焉白水又東雍川水出西南雍溪案溪近刻訛作漢東北注白水白水又東合空冷水傍溪西南窮谷即川源也白水又東南與南五部水會水有二源西源出五

部溪東南流東源出郎谷西南合注白水

案合下近刻衍南字

白水又東南逕建昌郡東

案昌近刻訛作陽

而北與一水合

二源同注共成一溪

案一近刻訛作三

西南流入于白水白

水又東南逕白水縣故城東即白水郡治也經云漢  
水出其西非也白水又東南與西谷水相得水出西  
溪東流逕白水城南東南入白水白水又南左會東

流水東入極溪

案東入近刻脫東字

便即水源也白水又南逕

武興城東

案近刻脫武字

又東南左得刺稽水口溪東北出

便水源矣白水又東南清水左注之庾仲雍曰清水  
自祁山來合白水斯爲孟浪也水出于平武郡東北  
矚累亘下南逕平武城東屈逕其城南又西歷平洛  
郡東南屈而南逕南陽僑郡東北又東南逕新巴縣  
東北又東南逕始平僑郡南又東南逕小劍戌北西  
去大劍三十里連山絕險飛閣通衢故謂之劍閣也  
張載銘曰一人守險萬夫趨信然故李特至劍閣  
而歎曰劉氏有如此地而面縛于人豈不奴才也小

劍水西南出劍谷東北流逕其戍下入清水清水又

東南注白水白水又東南于吐費城南即西晉壽之

東北也東南流注漢水西晉壽即蜀王弟葭萌所封

爲苴侯邑故遂名城爲葭萌矣

案近刻  
脫名字

劉備改曰漢

壽太康中又曰晉壽水有津關段元章善風角弟子

歸元章封筒藥授之

案苟近刻  
訛作筒

曰路有急難開之生

到葭萌從者與津吏諍打傷開筒得書言其破頭者

案近刻  
脫開筒

可以此藥裹之生乃歎服還卒業焉

得書言五字

亦廉叔度抱父柩自沈處也

又東南過巴郡閬中縣

巴西郡治也劉璋之分三巴此其一焉閻駟曰強水

出陰平西北強山一曰強川姜維之還也鄧艾遣天

水太守王頑敗之于強川即是水也

案近刻脫之字水字

具水

東北逕武都陰平梓潼南安入漢水漢水又東南逕

津渠成東又南逕閬中縣東閬水出閬陽縣而東逕

其縣南又東注漢水昔劉璋之攻霍峻于葭萌也自

此水上張達范彊害張飛于此縣漢水又東南得東

水口水出巴嶺南歷獠中謂之東遊水李壽之時獠

自牂牁北入所在諸郡布滿山谷其水西南逕宋熙

郡東又東南逕始平城東

案近刻脫始字

又東南逕巴西郡

東又東入漢水漢水又東與濩溪水合水出獠中世  
亦謂之爲清水也東南流注漢水漢水又東南逕宕

渠縣東又東南合宕渠水水西北出南鄭縣巴嶺

案南

鄭縣近刻訛  
鄭縣南  
與槃余水同源派注南流謂之北水東

南流與難江水合水出東北小巴山

案近刻 脱小字

西南注

之又東南流逕宕渠縣謂之宕渠水又東南入于漢

案近刻 脱于字

又東南過江州縣東

案近刻 脱作又東南入漢州江津  
縣東十字蓋因上注有又東南入

漢句遂致訛行

東南入于江

案近刻 脱東字

涪水注之庾仲雍所謂涪內水者也

案近刻 庾訛  
作故脫所字

丹水出京兆上洛縣西北冢嶺山

一名高豬嶺也

案近刻 脱一  
字嶺訛作山

丹水東南流與青池水

合水源東北出清池山西南流入于丹水

東南過其縣南

縣故屬京兆晉分爲郡地道記曰郡在洛上故以爲

名竹書紀年晉烈公三年楚人伐我南鄙至于上洛

楚水注之水源出上洛縣西南楚山

案水源二字  
近刻作楚水

四皓隱于楚山即此山也其水兩源合舍于四皓廟

東又東逕高車嶺南翼帶衆流北轉入丹水

案近刻  
脫水字

嶺上有四皓廟丹水自倉野又東歷免和山即春

欽所謂左師軍于兔和右師軍于倉野者也

又東南過商縣南又東南至于丹水縣入于均

案原本及近刻

並訛作均注內同今改

正均水見卷二十九

契始封商魯連子曰在太華之陽皇甫譖闕駟並以

爲上洛商縣也殷商之名

案商近刻訛作湯

起于此矣丹水

自商縣東南流注歷少習出武關應劭曰秦之南關

也通南陽郡春秋左傳哀公四年楚左司馬使謂陰

地之命大夫士蔑曰晉楚有盟好惡同之不然將通

于少習以聽命者也京相璠曰楚通上洛阨道也漢祖下析酈案折近刻訛作浙下同攻武闕文穎曰武闕在析縣西百七十里弘農界也丹水又東南流入臼口歷其戌下又東南析水出析縣西北弘農盧氏縣大嵩山南流逕脩陽縣故城北縣即析之北鄉也又東入析縣流結成潭謂之龍淵清深神異者舊傳云漢祖入闕逕觀是潭其下若有府舍焉事既非恒難以詳矣其水又東逕其縣故城北蓋春秋之白羽也左傳昭

公十八年楚使王子勝遷許于析是也郭仲產云相

承言此城漢高所築非也余按史記

案近刻  
脫記字

楚襄王

元年秦出武關斬衆五萬取析十五城漢祖入關亦言下折酈非無城之言脩之則可矣

案脩近刻  
訛作循

析水

又歷其縣東王莽更名縣爲君亭也

案君近刻  
訛作古

而南

流入丹水縣注于丹水故丹水會均有析口之稱丹

水又東南逕一故城南名曰三戶城昔漢祖入關王

陵起兵丹水以歸漢祖此城疑陵所築也丹水又逕

丹水縣故城西南縣有密陽鄉古商密之地昔楚申  
息之師所戍也春秋之三戶矣杜預曰縣北有三戶  
亭竹書紀年曰壬寅孫何侵楚入三戶郢者是也水  
出丹魚先夏至十日夜伺之魚浮水側赤光上照如  
火網而取之割其血以塗足可以步行水上長居淵  
中丹水東南流至其縣南黃水北出芬山黃谷

案近刻訛作  
出北予山

南逕丹水縣南注丹水

案近刻注  
下有于字

黃水

北有墨山山石悉黑績綠奮發黝焉若墨故謂之墨

山今河南新安縣有石墨山斯其類也丹水南有丹

崖山山悉赪壁霞舉若紅雲秀天二岫更爲殊觀矣

丹水又南逕南鄉縣故城東北漢建安中割南陽右

壤爲南鄉郡建晉封宣帝孫暢爲順陽王因立爲順

陽郡

案立爲近刻  
訛作爲立

而南鄉爲縣舊治鄆城

案治近刻  
訛作始

永嘉中丹水浸沒至永和中徙治南鄉故城城南門

外舊有郡社柏樹大三十圍蕭欣爲郡伐之言有大

蛇從樹腹中墜下大數圍長三丈羣小蛇數十隨入

南山聲如風雨伐樹之前見夢于欣欣不以厝意及  
伐之更少日果死丹水又東逕南鄉縣北興寧末太  
守王靡之改築今城城北半據在水中左右夾澗深  
長及春夏水漲望若孤洲矣城前有晉順陽太守丁  
穆碑郡民范甯立之丹水逕流兩縣之間歷于中之  
北所謂商於者也故張儀說楚絕齊許以商於之地  
六百里謂以此矣呂氏春秋曰堯有丹水之戰以服  
南蠻即此水也又南合均水謂之析口

案口近刻訛作水

水經注卷二十

欽定四庫全書薈要卷七千六百三十二

史部

水經注卷二十一

後魏 鄒道元 撰

汝水

汝水出河南梁縣勉鄉西天息山

地理志曰出高陵山即猛山也亦言出南陽魯陽縣  
之大孟山又言出弘農盧氏縣還歸山博物志曰汝  
出燕泉山並異名也余以永平中蒙除魯陽太守會

上臺下列山川圖以方誌參差遂令尋其源流此等既非學徒難以取悉既在逕見案逕近刻訛作邁不容不述

今汝水西出魯陽縣之大孟山蒙柏谷

案蒙近刻訛作黃

巖

鄣深高山岫邃密石徑崎嶇人蹟裁交西即盧氏界

也其水東北流逕太和城西又東流逕其城北左右

深松列植

案近刻脫  
松列二字

筠柏交蔭尹公度之所棲神處

也又東屆堯山西嶺下水流兩分一水東逕堯山南為滍水也即經所言滍水出堯山矣一水東北出為

汝水歷蒙柏谷左右岫壑爭深山阜競高夾水層松  
茂柏傾山蔭渚故世人以名也津流不已北歷長白  
沙口狐月溪水注之夾岸沙漲若雪因以取名其水  
南出狐月川北流注汝水汝水又東北趣狼臯山者  
也

東南過其縣北

汝水自狼臯山東出峽謂之汝阨也東歷麻解城北  
故鄖鄉城也謂之蠻中左傳所謂單浮餘圍蠻氏蠻

氏瀆者也杜預曰城在河南新城縣之東南伊洛之戎陸渾蠻氏城也俗以為麻解城案此下近刻衍非二字蓋蠻麻讀聲近故也汝水又逕周平城南京相璠曰霍陽山在周平城東南者也汝水又東與三屯谷水合水出南山北流逕石碣案碣近刻訛作竭東柱側刊云河南界又有一碣題言洛陽南界碑柱相對既無年月竟不知何代所表也其水又北流注于汝水汝水又東與廣成澤水合水出狼臯山北澤中安帝永初元年以

廣成遊獵地假與貧民元初二年鄧太后臨朝鄧騭  
兄弟輔政世士以為文德可興武功宜廢寢蒐狩之  
禮息戰陣之法于時馬融以文武之道聖賢不墜五  
材之用無或可廢作廣成頌云大漢之初基也揆厥  
**靈囿**  
案近刻訛作圃營于南郊右轡三塗左枕嵩嶽面據衡  
陰背箕王屋浸以波溠演以滎洛金山石林殷起乎

其中神泉側出丹水涅池怪石浮磬耀焜于其陂桓  
帝延熹元年校獵廣成遂幸函谷關其水自澤東南

流逕溫泉南與溫泉水合溫水數源揚波于川左泉

上華宇連蔭茨蔓交拒

案近刻訛作池

方塘石沼

案近刻脫方塘二字

錯落其間頤道者多歸之其水東南流注廣成澤水

澤水又東南入于汝水汝水又東得魯公水口水上

承陽人城東魯公陂城古梁之陽人聚也秦滅東周

徙其君于此陂水東南流合于澗水水出北山

案北近刻

訛作兆南流注之又亂流注于汝水汝水之右有霍陽

聚汝水逕其北東合霍陽山水水出南山杜預曰河

南梁縣有霍山者也其水東北流逕霍陽聚東世謂之華浮城非也春秋左傳哀公四年楚侵梁及霍服虔曰梁霍周南鄙也建武二年世祖遣征虜將軍祭遵攻蠻中山賊張滿時厭新柏華餘賊合攻得霍陽聚即此霍陽山水又逕梁城西按春秋周小邑也于戰國為南梁矣故經云汝水逕其縣北俗謂之治城非也以北有注城故也今置治城縣治霍陽山水又東北流注于汝水汝水又左合三里水水北出梁縣

西北而東南流逕其縣故城西故罿狐聚也地理志云秦滅西周徙其君于此因乃縣之杜預曰河南縣西南有梁城即是縣也水又東南逕注城南司馬彪曰河南梁縣有注城史記魏文侯三十二年敗秦于注者也又與一水合水發注城東坂下東南流注三里水三里水又亂流入于汝汝水又東逕成安縣故城北按地理志潁川郡有成安縣侯國也史記建元以來功臣侯者年表曰漢武帝元朔五年校尉韓千

秋擊南越死封其子韓延年為成安侯即此邑矣世謂之白泉城非也俗謬耳汝水又東為周公渡藉承休之徽號而有周公之嘉稱也汝水又東黃水注之水出梁山東南逕周承休縣故城東為承休水縣故子南國也漢武帝元鼎四年幸洛陽巡省豫州觀于周室邈而無祀詢問耆老乃得孽子嘉封為周子南君以奉周祀按汲冢古文謂衛將軍文子為子南彌牟其後有子南勁紀年勁朝于魏案近刻記作衛後惠成王

如衛命子南為侯秦并六國衛最後滅疑嘉是衛後

故氏子南而稱君也初元五年為周承休邑地理志

曰侯國也元帝置元始二年更曰鄭公王莽之嘉美

也

案美近刻  
記作蔑

故汝渡有周公之名蓋藉邑以納稱世

謂之黃城

案世近刻  
記作也

水曰黃水皆非也其水又東南

逕白茅臺東又南逕梁瞿鄉西世謂之期城非也按

後漢書

案近刻  
脫後字

世祖自潁川往梁瞿鄉馮飭先詣行

所即是邑也水積為陂世謂之黃陂東轉逕其城南

東流右合汝水

又東南過潁川鄭縣南

案近刻  
脫過字

汝水又東與張磨泉合水發北阜春夏水盛則南注

汝水汝水又東分為西長湖湖水南北五十餘步東

西三百步汝水又東扈澗水北出大劉山南逕木蓼

堆東

案木近刻  
訛作水

郊城西南流入于汝汝水又右迤為

湖湖水南北八九十步東西四五百步俗謂之東長

湖湖水下入汝古養水也水出魯陽縣北將孤山北

長岡下數泉俱發東歷永仁三堆南又東逕沙川世謂之沙水歷山苻壘北又東逕沙亭南故養陰里也司馬彪郡國志曰襄城有養陰里京相璠曰在襄城郊縣西南養水名也俗以是水為沙水故亦名之為沙城非也又城處水之陽而以陰為稱更用惑焉但流襟間居裂溉互移致今川渠異容津途改狀故物望疑焉又右會董溝水水出沛公壘西六十許步蓋漢祖入關往征是由故地擅斯目矣其水東北注養

水養水又東北入東長湖亂流注汝水也

案近刻  
脫流字

汝

水又逕鄭縣故城南春秋昭公十九年楚令尹子瑕

之所城也澇水注之水出魯陽縣之將孤山東南流  
許慎云水出南陽魯陽

案南陽近  
刻脫陽字

入父城從水教聲

呂忱字林亦言在魯陽澇水東入父城縣與桓水會

案桓近  
刻作柏

水出魯陽北山水有二源竒導于賈復城合

為一澗逕賈復城北復南擊郾所築也俗語訛謬謂

之寡婦城水曰寡婦水此澗

案此近刻  
訛作北

水有窮通故

有枯渠之稱焉其水東北流至父城縣北右注漱水亂流又東北至鄉入汝汝水又東南左合藍水水出

陽翟縣重嶺山東南流逕紀氏城西有層臺

案層近刻訛作

增謂之紀氏臺

案謂近刻訛作記脫之字

續漢書曰世祖車駕西

征盜賊羣起鄉令馮鮒為賊延哀所攻力屈上詣紀

氏羣賊自降即是處在鄉城東北十餘里其水又東

南流逕黃阜東而南入汝水汝水又東南流與白溝

水合

案近刻與上行又字

水出夏亭城西

案水出下近刻行亭城西而南逕六字

又南逕龍城西城西北即摩陂也縱廣可十五里魏  
青龍元年有龍見于郊之摩陂明帝幸陂觀龍于是  
改摩陂曰龍陂其城曰龍城其水又南入于汝水汝  
水又東南與龍山水會水出龍山龍溪北流際父城  
縣故城東昔楚平王大城城父以居太子建故杜預  
曰即襄城之父城縣也案原本訛作即襄城之城父  
縣也近刻又脫縣字左傳集  
解今本亦誤考楚之城父邑漢置縣改曰父城屬潁  
川郡晉屬襄城郡晉譙郡有城父縣漢屬沛郡是襄  
城郡漢晉皆不稱  
城父也今改正

馮異據之以降世祖用報巾車之

恩也其水又東北流與二水合俱出龍山北流注之  
又東北入于汝水汝水又東南逕襄城縣故城南王  
隱晉書地道記曰楚靈王築劉向說苑曰襄城君始  
封之日服翠衣帶玉佩徙倚于流水之上即是水也  
楚大夫莊辛所說處後乃縣之呂后元年立孝惠後  
宮子義為侯國王莽更名相成也黃帝嘗遇牧童于  
其野故嵇叔夜讚曰奇矣難測襄城小童倦遊六合  
來憩茲邦也其城南對汜城周襄王出鄭居汜即是

此城也春秋襄公二十六年楚伐鄭涉汜而歸杜預曰涉汝水于汜城下也晉襄城郡治京相璠曰周襄王居之故曰襄城也今置關于其下汝水又東南流逕西不羹城南春秋左傳昭公十二年楚靈王曰昔諸侯遠我而畏晉今我大城陳蔡不羹賦皆千乘諸侯其畏我乎東觀漢記曰車騎馬防以前參藥勤勞省闥增封侯國襄城羹亭千二百五十戶即此亭也汝水又東南逕繁丘城南而東南出也

又東南過定陵縣北

湛水出舞陽縣北魚齒山西北東南流歷魚齒山下為湛浦方五十餘步春秋襄公十六年晉伐楚報楊梁之役楚公子格及晉師戰于湛阪楚師敗績遂侵方城之外今水北悉枕翼山阜于父城東南湛水之北山有長阪蓋即湛水以名阪故有湛阪之名也湛水又東南逕蒲城北京相璠曰昆陽縣北有蒲城蒲城北有湛水者是也湛水又東案湛近刻訛作漢于汝水九曲

北東入汝杜預亦以是水為湛水矣周禮荊州其浸  
潁湛鄭玄云未聞蓋偶有不照也今考地則不乖其  
土言水則有符經文矣汝水又東南逕定陵縣故城  
北漢成帝元延三年封侍中衛尉淳于長為侯國王  
莽更之曰定城矣案近刻脫日字東觀漢記曰光武擊王莽  
二公還到汝水上于涯以手飲水澆頰塵垢謂傅俊  
曰今日疲倦諸君寧憊也即是水也水右則滍水左  
入焉左則百尺溝出矣溝水夾岸層崇亦謂之為百

尺堤也自定陵城北通潁水于襄城縣潁盛則南播汝決則北注溝之東有澄潭號曰龍淵在汝北四里許南北百步東西二百步水至清深常不耗竭案常嘗訛作嘗近刻

佳饒魚笱湖溢則東注鄖水矣汝水又東南昆

水注之水出魯陽縣唐山東南流逕昆陽縣故城西

更始元年王莽徵天下能為兵法者

案近刻脫者字

選練武

衛招募猛士旌旗輜重千里不絕又驅諸獵獸虎豹

犀象之屬以助威武自秦漢出師之盛未嘗有也世

祖以數千兵徼之陽關諸將見尋邑兵盛反走入昆  
陽世祖乃使成國上公王鳳廷尉大將軍王常留守  
夜與十三騎出城南門收兵于鄆尋邑圍城數十重  
雲車十餘丈瞰臨城中案近刻脫中字積弩亂發矢下如雨

城中人負戶而汲王鳳請降不許世祖帥營部俱進  
頻破之乘勝以敢死三千人徑衝尋邑兵敗其中堅  
于是水之上遂殺王尋城中亦鼓譟而出中外合勢  
震呼動天地會大雷風屋瓦皆飛莽兵大潰昆水又

屈逕其城南世祖建武中封侍中傅俊為侯國故後漢郡國志有昆陽縣蓋藉水以氏縣也昆水又東逕定陵城南又東注汝水汝水又東南逕奇領城西北今南潁川郡治也潁水出焉世亦謂之大灤水爾雅曰河有雍汝有潰然則潰者汝別也故其下夾水之邑猶流汝陽之名是或潰灤之聲相近矣亦或下合灤潁兼統厥稱耳案近刻作矣

又東南過郾縣北

汝水逕奇領城西東南流其城衿帶兩水側背雙流

汝水又東南流�徑郾縣故城北故魏下邑也史記楚

昭陽伐魏取郾是也汝水又東得醴水口

案近刻訛作口水

水出南陽雉縣

案近刻訛作山

亦云導源雉衡山即山海經

云衡山也郭景純以為南岳非也馬融廣成頌曰面  
據衡陰指謂是山在雉縣界故世謂之雉衡山依山

海經不言有水

案此下近刻衍焉字

然醴水東流歷唐山下即

高鳳所隱之山也醴水又東南與臯水合水發臯山

郭景純言或作章山

案近刻脫言字

東流注于醴水醴水又

東南逕唐城北南入城而西流出城城蓋因山以即  
稱矣醴水又屈而東南流逕葉縣故城北春秋昭公

十五年許遷于葉者也楚威周哀控霸南土欲爭強

中國多築列城于北方以逼華夏故號此城為萬城

或作方字

案字近刻訛作城此四字亦注中之小注

唐勒奏土論曰我是

楚也

案此語有舛誤

世霸南土自越以至葉垂弘境萬里故

號曰萬城也余按春秋屈完之在召陵對齊侯曰楚

國方城以為城杜預曰方城山名也在葉南未詳孰  
是楚惠王以封諸梁子高

案近刻  
脫高字

號曰葉公城即子

高之故邑也葉公好龍神龍下之河東王喬之為葉  
令也每月望常自詣臺朝帝怪其來數而不見車騎  
顯宗密令太史伺望之言其臨至輒有雙鳧從東南  
飛來于是候鳧至舉羅張之但得一隻鳥乃詔尚方  
診視則四年中所賜尚書官屬履也每當朝時葉門  
下鼓不擊自鳴聞于京師後天下玉棺于堂前吏民

推排終不搖動喬曰天帝獨欲召我耶乃沐浴服飾  
寢其中蓋便立覆宿昔葬于城東土自成墳其夕縣  
中牛皆流汗喘乏而人無知者百姓為立廟號葉君  
祠牧守每班錄皆先謁拜之吏民祈禱無不如應若  
有違犯亦立能為祟帝乃迎取其鼓置都亭下略無  
復聲焉或云即古仙人王喬也是以干氏書之于神  
化醴水又逕其城東與燒車水合水西出苦菜山東  
流側葉城南而下注醴水醴水又東逕葉公廟北廟

前有沈子高諸梁碑

案沈近刻訛作公

舊秦漢之世廟道有

雙闕几筵黃巾之亂殘毀積闕魏太和景初中令長

修飾舊宇後長汝南陳晞以正始元年立碑碑字破

落遺文殆存事見其碑醴水又東與葉西陂水會縣

南有方城山屈完所謂楚國方城以為城者也山有

湧泉北流畜之以為陂陂塘方二里

案陂近刻作故

陂水散

流又東逕葉城南而東北注醴水醴水又東注葉陂

陂東西十里南北七里二陂並諸梁之所竭也陂水

又東逕汝陽縣故城北又東逕定陵城南東與芹溝水合其水導源葉縣東逕汝陽城北又東逕定陵縣南又東南流注醴其水逕流昆醴之間纏絡四縣之中疑即呂忱所謂峴水也案峴近刻作汎今于定陵更無別

水惟是水可當之醴水東逕郾縣故城南左入汝山海經曰醴水東流注于汝水也汝水又東南流逕郾城西春秋左傳桓公二年蔡侯鄭伯會于郾者也汝水又東南流汝水注之

又東南過汝南上蔡縣西

汝南郡楚之別也漢高祖四年置王莽改郡曰汝汾  
縣故蔡國周武王克殷封其弟叔度于蔡世本曰上  
蔡也九江有下蔡故稱上竹書紀年曰魏章率師及  
鄭師伐楚取上蔡者也永初元年案永初近刻訛作建安安帝  
封鄧騭為侯國汝水又東逕懸瓠城北王智深云汝  
南太守周矜起義于懸瓠者是矣今豫州刺史汝南  
郡治城之西北汝水枝別左出西北流又屈西東轉

又西南會汝形若垂瓠者彥云城北名馬灣

案馬近刻訛作

馬中有地數頃上有栗園栗小殊不並固安之實也

然歲貢三百石以充天府水渚即栗州也樹木高茂

望若屯雲積氣矣林中有栗堂射埠甚間敞牧宰及

英彥多所遊薄其城上西北隅高祖以太和中幸懸

瓠平南王肅起高臺于小城建層樓于隅阿下際水

渭降眺栗渚

案近刻  
脫眺字

左右列榭四周參差競跱奇為

佳觀也

又東南過平輿縣南

溱水出浮石嶺北青衣山亦謂之青衣水也東南逕朗陵縣故城西應劭曰西南有朗陵山縣以氏焉世祖建武中封城門校尉臧宮為侯國也溱水又南屈逕其縣南又東北逕北宜春縣故城北王莽更名之為宣孱也豫章有宜春故加北矣元初三年

樂元初  
近刻訛

作永  
元

安帝封后父侍中閻暢為侯國溱水又東北逕

馬香城北又東北入汝汝水又東南逕平輿縣南安

成縣故城北王莽更名至成也漢武帝元光六年封長沙定王子劉蒼為侯國矣汝水又東南陂水注之

案近刻脫此二字又陂訛作汶

水首受慎水于慎陽縣故城南陂陂

水兩分一水自陂北遶慎陽城四周城塹

案周近刻作固

川荀淑遇縣人黃叔度于逆旅與語移日曰子吾師表也范奕論曰

案奕近刻訛作惺

黃憲言論風旨無所傳聞

然士君子見之者靡不服深遠去疵吝將以道周性全無得而稱乎塹水又自瀆東北流注北陂

案北近刻訛作

七

一水自陂東北流積為鮑陂

案鮑近刻  
訛作同

陂水又東

北又結而為陂世謂之窖陂陂水上承慎陽縣北陂

東北流積而為土陂陂水又東為窖陂陂水又東南

流注壁陂陂水又東北為太陂陂水又東入汝汝水

又東南逕平陵亭北又東南逕陽遂鄉北汝水又東

逕櫟亭北

案櫟近刻  
訛作樂

春秋之棘櫟也杜預曰汝陰新

蔡縣東北有櫟亭今城在新蔡故城西北城北半淪

水汝水又東南逕新蔡縣故城南昔管蔡間王室放

蔡叔而遷之其子胡能率德易行周公舉之為卿士以見于王王命之以蔡申呂地也

案申近刻訛作中

以奉叔度

祀是為蔡仲矣宋忠曰故名其地為新蔡王莽所謂

新遷者也世祖建武二十八年

案近刻訛作元年

封吳國為

侯國汝南先賢傳曰新蔡鄭敬字次都為郡功曹都

尉高懿廳事前有槐樹白露類甘露者懿問掾屬皆

言是甘露敬獨曰明府政未能致甘露但樹汁耳懿

不悅託疾而去汝水又東南左會澨水上承汝水

別流于奇額城東東南流為練溝逕名陵縣西

案名近刻

邵作

東南流注至上蔡西岡北為黃陵陂水東流

案近

水字刻脫

于上蔡岡東為蔡塘又東逕平輿縣故城南為

澠水縣舊沈國也有沈亭春秋定公四年蔡滅沈以

沈子嘉歸後楚以為縣

案近刻

史記曰秦將李信攻

平輿敗之者也建武三十年世祖封銚統為侯國本

汝南郡治昔費長房為市吏見王壺公懸壺郡市長

房從之因而自遠同入此壺隱淪仙路骨謝懷靈無

會而返雖能役使鬼神而終同物化城南里餘有神

廟世謂之張明府祠水旱之不節則禱之廟前有圭

碑文字零碎不可復尋碑側有小石函按桂陽先賢

畫讚臨武張熹字季智為平輿令時天大旱

案近刻訛作天

下大旱 烹躬禱雩未獲嘉應

案近刻脫躬字嘉字又此句之下衍烹字

乃積

薪自焚

案薪近刻作柴

主簿侯崇

案近刻脫侯字

小吏張化從烹焚

焉火既燎天靈感應即澍雨此烹自焚處也澇水又

東南左迤為葛陂陂方數十里水物含靈多所苞育

昔費長房投杖于陂而龍變所在也又劾東海君于  
是陂矣陂水東出為鯉水俗謂之三丈陂亦曰三嚴  
水水逕鯉陽縣故城南應劭曰縣在鯉水之陽漢明  
帝永平中封衛尉陰興子慶為侯國也

案興近刻  
訛作與  
縣

有葛陵城建武十五年更封安成侯銚丹為侯國

案近刻

訛作更名封經  
侯銚丹為侯國

城之東北有楚武王冢民謂之楚

王琴

案近刻訛作  
瑟下衍城字

城北祝社里下土中得銅鼎銘云

楚武王是知武王隧也鯉陂東注為富水

案銅近刻  
訛作銅

水積之處謂之陂塘津渠交絡枝布川隰矣澆水自

葛陂東南逕新蔡縣故城東而東南流注于汝汝水

又東南逕下桑里左迤為橫塘陂又東北為青陂者

也

案青近刻訛  
作清下同

汝水又東南逕壺丘城北故陳地

案近

刻訛  
作也

春秋左傳文公九年楚侵陳克壺丘以其服于

晉是也汝水又東與青陂合水上承慎水于慎陽縣  
之上慎陂右溝北注馬城陂陂西有黃丘亭陂水又

東逕新息亭北

案又近刻  
訛作於

又東為綢陂陂水又東逕

新息縣結為牆陂陂水又東逕遂鄉東南而為壁陂  
又東為青陂陂東對大呂亭春秋外傳曰當成周時  
南有荆蠻申呂姜姓矣蔡平侯始封也西南有小呂  
亭故此稱大也側陂南有青陂廟廟前有陂

案近刻訛作阪

漢靈帝建寧三年新蔡長河南侯氏李言上請脩復

青陂司徒臣訓尚書臣襲奏可洛陽宮于青陂東塘

南樹碑

案于字近刻  
在洛陽宮上

碑稱青陂在縣坤地源起桐柏

淮川別流入于潺湲逕新息牆陂

案近刻訛作坡  
謀埠云宋本作阪

今考阪亦  
陂之訛 行入襄信界灌漑五百餘頃陂水又東分

為二水一水南入淮一水東南逕白亭北又東逕吳

城南史記楚惠王二年子西名太子建之子勝于吳

勝入居之故曰吳城也又東北屈逕壺丘東而北流

注于汝水世謂之薄溪水汝水又東逕襄信縣故城

北而東注矣

又東至原鹿縣

汝水又東南逕縣故城西杜預釋地曰汝陰有原鹿

縣也

南入于淮

所謂汝口側水有汝口戍淮汝之交會也



水經注卷二十一



總校官庶吉士臣張能照  
校對官庶吉士臣徐如澍  
謄錄監生臣丁湘錦  
謄錄監生臣張孝基

欽定四庫全書叢書要

史部

水經注卷二十二

詳校官編修臣繆音



欽定四庫全書

水經注卷二十二

史部

後魏 鄭道元 撰

潁水

洧水

潩水

渭水

渠

沙水

潁水出潁川陽城縣西北少室山

秦始皇十七年滅韓以其地為潁川郡蓋因水以著稱者也漢高帝二年以為韓國王莽之左隊也山海

經曰穎水出少室山地理志曰出陽城縣陽乾山今  
穎水有三源竒發右水出陽乾山之穎谷春秋穎考  
叔為其封人其水東北流中水導源少室通阜東南  
流逕負黍亭東春秋定公六年鄭伐馮滑負黍者也  
馮敬通顯志賦曰求善卷之所在遇許由于負黍京  
相璠曰負黍在穎川陽城縣西南二十七里世謂之  
黃城也亦或謂是水為灔水東與右水合左水出少  
室南溪東合穎水故作者互舉二山言水所發也

刻互訛作乃  
山訛作三

呂氏春秋曰卞隨恥受湯讓自投此水  
而死張顯逸民傳嵇叔夜高士傳並言投洞水而死  
未知其孰是也

東南過其縣南

案近刻作又東南  
又字後人所加

潁水又東五渡水注之其水導源出高縣東北太室  
東溪縣漢武帝置以奉太室山俗謂之崧陽城及春  
夏雨泛水自山頂而迭相灌澍崿流相承為二十八  
浦也賜旱輶津案賜近刻作陽而石潭不耗道路遊憩者惟

得餐飲而已

案餐近刻訛作食

無敢澡盥其中苟不如法必

數日不豫是以行者憚之山下大潭周數里

案潭近刻訛作

澤而清深肅潔水中有立石高十餘丈廣二十許步

上甚平整縗素之士多泛舟升陟取暢幽情其水東

南逕陽城西

案南逕近刻訛作流南

石溜縈委溯者五涉故亦

謂之五渡水東南流入潁水潁水逕其縣故城南昔

舜禪禹禹避商均伯益辟啟並于此也亦周公以上

圭測日景處漢成帝永始元年封趙臨為侯國也縣

南對箕山山上有許由冢堯所封也故太史公曰余登箕山其上有許由墓焉

案其近刻訛作之

山下有牽牛墟

側潁水有犢泉是巢父還牛處也石上犢跡存焉又

有許由廟碑闕尚存是漢潁川太守朱寵所立潁水

逕其北東與龍淵水合其水導源龍淵東南流逕陽

城北又東南入于潁潁水又東平洛溪水注之水發

玉女臺下平洛澗世謂之平洛水呂忱所謂勺水出

陽城山蓋斯水也又東南流注于潁潁水又東出陽

關  
崇陽下近  
刻行城字歷康城南魏明帝封尚書右僕射衛臻  
為康鄉侯此即臻封邑也

又東南過陽翟縣北

潁水東南流逕陽關聚聚夾水相對俗謂之東西二  
土城也潁水又逕上棘城西又屈逕其城南春秋左  
傳襄公十八年楚師伐鄭城上棘以涉潁者也縣西  
有故堰堰石崩褫潁基尚存舊過潁水枝流所出也  
其故瀆東南逕三封山北今無水渠中又有泉流出

馬時人謂之嵎水東逕三封山東東南歷大陵西連  
山亦曰啓筮亭啓享神于大陵之上即鈎臺也春秋  
左傳曰夏啓有鈎臺之饗是也杜預曰河南陽翟縣  
南有鈎臺其水又東南流水積為陂陂方十里俗謂  
之鈎臺陂案鈎字近刻訛在下句指字下蓋陂指臺取名也又西南  
流逕夏亭城西又屈而東南為鄭之靡陂潁水自竭  
東逕陽翟縣故城北案近刻脫縣字夏禹始封于此為夏國  
故武王至周曰吾其有夏之居乎遂營洛邑徐廣曰

河南陽城陽翟則夏地也春秋經書秋鄭伯突入于  
櫟左傳桓公十五年突殺檀伯而居之服虔曰檀伯  
鄭守櫟大夫櫟鄭之大都宋忠曰今陽翟也周末韓  
景侯自新鄭徙都之王隱曰陽翟本櫟也案近刻  
脫陽字故

潁川郡治也城西有郭奉孝碑側水有九山祠碑案  
側

水近刻訛  
作水側叢柏猶茂北枕川流也

又東南過潁陽縣西又東南過潁陰縣西南

應劭曰縣在潁水之陽故邑氏之按東觀漢記漢封

車騎將軍馬防為侯國防城門校尉位在九卿上絕  
席潁水又南逕潁鄉城西潁陰縣故城在東北舊許  
昌典農都尉治也後改為縣魏明帝封侍中辛毗為  
侯國也潁水又東南逕柏祠曲東歷岡丘城南故汾  
丘城也春秋左傳襄公十八年楚子庚治兵于汾司  
馬彪曰襄城縣有汾丘杜預曰在襄城縣之東北也  
逕繁昌故縣北曲蠡之繁陽亭也魏書國志曰文帝  
以漢獻帝延康元年行至曲蠡登壇受禪于是地

刻脫壇受二字

改元黃初其年以潁陰之繁陽亭為繁昌縣

城內有三臺時人謂之繁昌臺壇前有二碑昔魏文帝受禪于此

案近刻脫受字

自壇而降曰舜禹之事吾知之矣故其石銘曰遂于繁昌築靈壇也

案壇近刻訛作臺

于後

其碑六字生金論者以為司馬金行故曹氏六世遷

魏而事晉也潁水又東南流逕青陵亭城北北對青

陵陂陂縱廣二十里潁水逕其北枝入為陂陂西則

澠水注之水出襄城縣之邑城下

案襄近刻訛作襄

東流注

于陂陂水又東入臨潁縣之狼陂潁水又東南流而歷臨潁縣也

又東南過臨潁縣南又東南過汝南濱強縣北洧水從河南密縣東流注之

臨潁舊縣也潁水自縣西注

案近刻脫注字小灔水出焉

案近

刻脫  
馬字

爾雅曰潁別為沙郭景純曰皆大水溢出別為

小水之名也亦猶江別為沱也潁水又東南逕臯城

北

案臯近刻訛作澤

即古臯城亭矣

案臯城近刻訛作城臯

春秋經書

公及諸侯盟于臯鼬者也臯澤字相似名與字乖耳  
潁水又東逕灤陽城南竹書紀年曰孫何取灤陽灤  
強城在東北潁水不得逕其北也潁水又東南渙水  
入焉非洧水也

又東過西華縣北

王莽更名之曰華望也

案也上近刻衍縣字

有東故言西矣

案美

近刻作也

世祖光武皇帝建武中封鄧晨為侯國漢濟北

戴封字平仲為西華令遇天旱慨治功無感乃積柴

坐其上以自焚火起而大雨暴至遠近歎服

案近刻訛作伏

永元十三年徵太常焉

案馬刻

近也縣北有習陽城潁水

逕其南

案近刻作經其南也

經所謂洧水流注之也

又南過女陽縣北

案漢志女陽師古曰女讀曰汝其下女陰亦同

刻女汝二字雜用

縣故城南有汝水枝流故縣得厥稱矣閻駟曰本汝水別流其後枯竭號曰死汝水故其字無水余按汝女乃方俗之音故字隨讀改未必一如閻氏之說以窮通損字也潁水又東大灝水注之又東南逕博陽

縣故城東

案近刻脫故字

城在南頓縣北四十里漢宣帝封

邴吉為侯國王莽更名樂嘉

又東南過南頓縣北濬水從西來流注之

濬水于樂嘉縣入潁不至于頓頓故頓子國也周之同姓春秋僖公二十五年楚伐陳納頓子于頓是也俗謂之頓陰城非也潁水又東南逕陳縣南又東南左會交口者也

又東南至新陽縣北蒗鶴渠水從西北來注之

經云蒗鶴渠者百尺溝之名別也潁水南合交口新

溝

案近刻脫  
潁水二字

自是東出潁上有堰謂之新陽堰俗謂

之山陽竭非也新溝自潁北東出縣在水北故應劭

曰縣在新水之陽今縣故城在東明潁水不出其北

蓋經誤耳潁水自堰東南流

案堰

字近刻  
記在東字下

逕項縣故

城北春秋僖公十七年魯滅項是矣潁水又東右合

谷水水上承平鄉諸陂東北逕南頓縣故城南側城

東注春秋左傳所謂頓迫于陳而奔楚自頓徙南故

日南頓也今其城在頓南三十餘里又東逕項城中

楚襄王所郭以為別都都內西南小城項縣故城也

舊潁州治谷水逕小城北又東逕魏豫州刺史賈逵

祠北

案近刻脫魏  
豫州三字

王隱言祠在城北非也廟在小城

東晉王凌為宣王司馬懿所執屈廟而歎曰賈梁道

王凌魏之忠臣惟汝有靈知之遂仰鳩而死廟前有

碑碑石金生千寶曰黃金可採為晉中興之瑞谷水

又東流出城東注潁潁水又東側潁有公路城袁術

所築也故世因以術字名城矣潁水又東逕臨潁城  
北城臨水闕南面又東逕雲陽二城間南北翼水並  
非所具又東逕丘頭丘頭南枕水案近刻脫南字魏書郡國  
志曰宣王軍次丘頭王凌面縛水次故號武丘矣潁  
水又東南流案宋本訛作阪于故城北細水注之水上承陽  
都陂案近刻訛作陵陂水枝分東南出為細水東逕  
新陽縣故城北又東南逕宋縣故城北案宋下近刻行公字縣  
即所謂鄴丘者也案近刻脫即所謂三字秦伐魏取鄴丘謂是

邑矣漢成帝綏和元年詔封殷後于沛以存三統平

帝元始四年改曰宋公國也王莽之新延矣細水又南逕細

陽縣新溝水注之

案近刻  
脫水字

溝首受交口

案溝上近  
刻有新字

東

北逕新陽縣故城南漢高帝六年封呂青為侯國

案青

近刻記  
作清王莽更名曰新明也故應劭曰縣在新水之

陽今無水故渠舊道而已東入澤渚而散流入細細

水又東南逕細陽縣故城南

案近刻  
脫縣字

王莽更之曰樂

慶也世祖建武中封岑彭子遵為侯國細水又東南  
積而為陂謂之次塘公私引裂案引近刻訛作列以供田溉

又東南流屈而西南入潁地理志曰細水出細陽縣  
東南入潁潁水又東南流逕胡城東故胡子國也春  
秋定公十五年楚滅胡以胡子豹歸是也杜預釋地  
曰汝陰縣西北有胡城也案北近刻訛作地潁水又東南汝

水枝津注之水上承汝水別瀆于奇洛城東三十里  
世謂之大灘水也東南逕召陵縣故城南春秋左傳

僖公四年齊桓公師于召陵責楚貢不入卽此處也

城內有大井徑數丈水至清深閼駟曰召者高也其

地丘墟井深數丈故以名焉又東南逕征羌縣故召

陵縣之安陵鄉安陵亭也世祖建武十一年以封中

郎將來歙歙以征定西羌功故更名征羌也閼駟引

戰國策以為秦昭王欲易地謂此非也

案近刻脫非字

汝水

別瀆又東逕公路臺北臺臨水方百步袁術所築也

汝水別溝又東逕西門城即南利也漢宣帝

案漢下近刻行

書字

封廣陵厲王子劉昌為侯國

案厲字近刻訛在王字下國訛作也縣

北三十里有孰城號曰北利故瀆出于二利之間間

關女陽之縣

案近刻脫一間字

世名之死汝縣取水名故曰

女陽也又東逕南頓縣故城北

案近刻脫北字

又東南逕鯉

陽城北又東逕邸鄉城北又東逕固始縣故城北地

理志縣故寢也寢丘在南故藉丘名縣矣王莽更名

之曰閏治

案近刻脫閏字

孫叔敖以土浸薄取而為封故能

綿嗣城北猶有叔敖碑建武二年司空李通又慕叔

歎受邑故光武以嘉之更名固始別汝又東逕蔡岡  
北岡上有平陽侯相蔡昭冢昭字叔明周后稷之胄  
冢有石闕闕前有二碑碑字淪碎不可復識羊虎傾  
低殆存而已枝汝又東北流逕胡城南而東歷女陰  
縣故城西北東入潁水潁水又東逕女陰縣故城北  
史記高祖功臣侯者年表曰高祖六年封夏侯嬰為  
侯國王莽更名之曰汝湊也縣在汝水之陰故以汝  
水納稱城西有一城故陶丘鄉也案鄉近刻訛作縣汝陰郡

治城外

案治近刻  
訛作汝

東北隅有舊臺翼城若丘俗謂之

女郎臺雖經頽毀猶自廣崇上有一井疑故陶丘鄉

所未詳

案歷岡丘城南丘字起至此朱謀埠本訛在後水受大漂波漂字下原本不誤

又東南至慎縣東南入于淮

潁水東南流左合上吳百尺二水俱承次塘細陂南

流注于潁潁水又東南江陂水注之

案江近刻  
訛作流

水受

大漂陂

案經又東南至此句漂字止  
朱謀埠本訛在後會淮也後

陂水南流積為

江陂南逕慎城西側城南流入于潁潁水又逕慎縣

故城南縣故楚邑白公所居以拒吳春秋左傳哀公十六年吳人伐慎白公敗之王莽之慎治也世祖建武中封劉賜為侯國潁水又東南逕螭蟻郭東俗謂之鄭城矣又東南入于淮春秋昭公十二年楚子狩于州來次于潁尾蓋潁水之會淮也案水受大漴陂字受大漴陂字起至此朱

謀埠本訛在前歷岡丘城南岡字下而陂字之上岡字之下又誤截逕公路臺北向臺北二字雜入其間

朱氏以為據宋本寔前後舛謬惟永樂大典內此水敘次不紊

洧水出河南密縣西南馬領山

水出山下亦言出潁川陽城山山在陽城縣之東北

蓋馬領之統目焉洧水東南流

崇清近刻訛作清

逕一故臺

南俗謂之陽子臺又東逕馬領塢北塢在山上

崇近刻脫

塢字塢下泉流北注亦謂洧別源也而入于洧水洧水

東流綏水會焉水出方山綏溪即山海經所謂浮戲之山也東南流逕漢弘農太守張伯雅墓塋域四周

崇近刻脫域字

壘石為垣隅阿相降列于綏水之陰庚門表

二石闕夾對石獸于闕下冢前有石廟列植三碑碑

云德字伯雅河南密人也

案南近刻  
訛作內

碑側樹兩石人

有數石柱及諸石獸矣

案近刻  
訛作矣

舊引綏水南入瑩域

而為池沼

案域近刻  
訛作城

沼在丑地皆蟾蜍吐水石隍承

溜池之南又建石樓石廟前又翼列諸獸但物謝時

淪凋毀殆盡夫富而非義

案夫近刻  
訛作矣

比之浮雲況復

此乎王孫士安斯為達矣綏水又東南流逕上郭亭

南東南注洧洧水又東襄荷水注之水出北山子節

溪亦謂之子節水東南流注于洧

案近刻  
訛注字

洧水又東

會瀝滴泉水出深溪之側泉流丈餘懸水散注故世士以瀝滴稱南流入洧水也

東南過其縣南

案近刻作又東南  
又字後人所加

洧水又東南流

案近刻訛作東流南

與承雲二水合俱出承雲

山二源雙導東南流注于洧世謂之東西承雲水洧水又東微水注之水出微山東北流入于洧洧水又東逕密縣故城南春秋謂之新城左傳僖公六年會

諸侯伐鄭圍新密鄭所以不時城也

案鄭所以近刻訛作以鄭二字

今縣城東門南側有漢密令卓茂祠。茂字子康，南陽宛人。溫仁寬雅恭而有禮。人有認其馬者。茂與之曰：「若非公馬，幸至丞相府歸我。」遂挽車而去。後馬主得馬謝而還之。任漢黃門郎，遷密令。舉善而教口無惡言。教化大行。道不拾遺。蝗不入境。百姓為之立祠享祀。不輟矣。洧水又左會璇泉水。水出玉亭西北流注于洧水。洧水又東南與馬關水合。水出玉亭下東北流歷馬關。謂之馬關水。又東北注于洧。洧水又東合。

武定水水北出武定岡

案北出近刻訛作出北

西南流又屈而

東南流逕零鳥塢西側塢東南流塢側有水懸流赴

壑一匹有餘直注澗下淪積成淵嬉遊者矚望竒為

佳觀俗人覩此水挂于塢側遂目之為零鳥水東南

流入于洧洧水又東與虎牘山水合水發南山虎牘

溪東北流入洧洧水又東南赤澗水注之水出武定

岡東南流逕皇臺岡下又歷岡東東南流注于洧洧

水又東南流澗水注之洧洧水又東南逕鄆城南世本

曰陸終娶于鬼方氏之妹謂之女隤

案隤近刻  
訛作瀆

是生

六子孕三年啓其左脅三人出焉破其右脅三人出

焉其四曰萊言是為鄒人

案近刻訛作求  
言是謂之鄒

鄒人者鄭

是也鄭桓公問于史伯曰王室多難予安逃死乎史

伯曰虢鄖公之民遷之可也鄭氏東遷虢獻十邑

焉劉楨云鄖在豫州外方之北北鄰于虢都榮之南

案都榮近刻  
訛作鄧榮

左濟右洛居兩水之間

案居下近刻有  
陽鄭二字行

食湊洧焉徐廣曰鄖在密縣妘姓矣不得在外方之

北也洧水又東逕陰坂北水有梁焉俗謂是濟為參

辰口左傳襄公九年晉伐鄭濟于陰坂次于陰口而

還是也杜預曰陰坂洧津也服虔曰水南曰陰案水近刻

訛作登

口者水口也參陰聲相近蓋傳呼之謬耳又晉

居參之分

案參上近刻

實沈之土

案近刻訛作上

鄭處大辰之

野

案大辰近刻訛作辰火

閼伯之地軍師所次故濟得其名也

又東過鄭縣南澗水從西北來注之

洧水又東逕新鄭縣故城中

案近刻脫縣字

左傳襄公元年

晉韓厥荀偃帥諸侯伐鄭入其郛敗其徒兵于洧上

是也竹書紀年晉文侯二年周惠王子多父伐鄭

案周

近刻訛作同 克之乃居鄭父之丘名之曰鄭是曰桓公皇

甫士安帝王世紀云或言縣故有熊氏之墟黃帝之

所都也鄭氏徙居之故曰新鄭矣城內有遺祠名曰

章乘是也洧水又東為洧淵水春秋傳曰龍鬪于時

門之外洧淵即此潭也今洧水自鄭城西北入而東

南流逕鄭城南城之南門內舊外蛇與內蛇鬪內蛇

死六年大夫傅瑕殺鄭子納厲公

案納近刻訛作入

是其徵

也

案近刻訛作  
自是徵也

水南有鄭莊公望母臺莊姜惡公寤

生與段京居段不弟姜氏無訓莊公居夫人于城賴

誓曰不及黃泉無相見也故成臺以望母

案成近刻  
訛作城

用伸在心之思感考叔之言忻大隧之賦洩洩之慈

有嘉融融之孝得常矣洧水又東與黃水合經所謂

增水非也黃水出太山南黃泉東南流逕華城西史

伯謂鄭桓公曰華君之土也韋昭曰華國名矣史記

秦昭王三十三年白起攻魏拔華陽走芒卯斬首十

五萬司馬彪曰華陽亭名在密縣嵇叔夜常采藥于

山澤學琴于古人即此亭也黃水東南流又與一水

合

案一近刻  
訛作上

水出華城南岡

案近刻作水  
出兩塘中

一源兩分

泉流派別東為七虎澗水西流即是水也其水西南

流注于黃水黃即春秋之所謂黃崖也故杜預云苑

陵縣西有黃水者也

案苑近刻  
訛作宛

又東南流水側有二

臺謂之積粟臺臺東即二水之會也捕獐山水注之

案獐近刻訛作章下同

水東出捕獐山西流注于黃水黃水又

南至鄭城北東轉于城之東北與黃溝合水出捕獐

山東南流至鄭城東北入黃水黃水又東南逕龍淵

東南

案龍淵下近刻衍泉字

七里溝水注之水出隙候亭東南

平地東注又屈而南流逕升城東又南歷燭城西

案又南近刻訛作又其南

即鄭大夫燭之武邑也又南流注于洧水

也

又東南過長社縣北

洧水東南流南濮北濮二水入焉濮音僕

案近刻脫此三字此

亦注中之小注洧水又東南與龍淵水合水出長社縣西北

有故溝上承洧水水盛則通注龍淵水減則津渠輒

流

案近刻減訛作律滅津訛作律

其瀆中湧泉南注東轉為淵綠水

平潭清潔澄深俯視游魚類若乘空矣所謂淵無潛

鱗也又東逕長社縣故城北鄭之長葛邑也春秋隱

公五年宋人伐鄭圍長葛是也後社樹暴長故曰長

社魏潁川郡治也余以景明中出宰茲郡于南城西

側修立客館版築既興于土下得一樹根

案土近刻訛作上

甚壯大疑是故社怪長暴茂者也稽之故說縣無龍

淵水名蓋出近世矣京相璠春秋土地名曰長社北

界有稟水但是水導于隍塗之中非北界之所謂又

按京杜地名並云

案杜近刻訛作社

長社縣北有長葛鄉斯

乃縣徙于南矣然則是水即稟水也其水又東南逕

棘城北左傳所謂楚子伐鄭救齊次于棘澤者也稟

水又東左注洧水洧水又東南分為二水

案此下近刻衍也字

其枝水東北流注沙

案北近刻訛作南

一水東逕許昌縣故

許男國也姜姓四岳之後矣穆天子傳所謂天子見

許男于洧上者也漢章帝建初四年

案此下近刻衍更字

封馬

光為侯國春秋佐助期曰漢以許失天下及魏承漢

歷遂改名許昌也城內有景福殿基魏明帝太和中

造準價八百餘萬洧水又東入汶倉城內俗以是水

為汶水故有汶倉之名非也蓋洧水之邸閣耳洧水

又東逕鄢陵縣故城南

案鄢近刻訛作隱下同

李奇曰六國為

安陵也昔秦求易地唐且受使于此漢高帝十二年

封都尉朱渾為侯國

案朱近刻訛作諸

王莽更名左亭洧水

又東鄢陵陂水注之水出鄢陵南陂東西南流注于

洧水也

又東南過新汲縣東北

洧水自鄢陵東逕桐丘南俗謂之天井陵又曰岡非

也洧水又屈而南流

案此下近刻行其字

水上有梁謂之桐門

橋案此下近刻有蓋字藉桐丘以取稱亦言取桐門亭而著目

焉案近刻脫著字然不知亭之所在未之詳也洧水又東南

逕桐丘城春秋左傳莊公二十八年楚伐鄭鄭人將奔桐丘即此城也杜預春秋釋地曰潁川許昌城東北京相璠曰鄭地也案近刻脫此三字余圖無而城見在西

南去許昌故城可三十五里俗名之曰堤其城南即

長堤固洧水之北防也

案固近刻訛作因

西面桐丘其城邪

長而不方蓋憑丘之稱即城之名矣洧水又東逕新汲縣故城北漢宣帝神爵二年置于許之汲鄉曲洧

城以河內有汲縣故加新也

案近刻此下衍漢章帝建初四年封執金吾馬

光為侯國十六字

城在洧水南堤上又東洧水右迤為渡陂

洧水又逕匡城南扶溝之匡亭也又東洧水左迤為鴨子陂謂之大穴口也

又東南過茅城邑之東北

洧水自大穴口

案近刻脫大字

東南逕

案近刻脫甲

洧陽城西南逕茅城

東北又南左合甲庚溝

案近刻脫甲字庚訛作庚

溝水上承洧水

于大穴口東北枝分東逕洧陽故城南俗謂之復陽

城非也蓋洧復字類音讀變漢建安中封司空祭酒

郭奉孝為侯國其水又東南為鴨子陂陂廣十五里

餘波南入甲庚溝

案近刻波訛作  
波庚訛作庚

西注洧

案近刻  
訛作又東

北瀉沙洧水又南逕一故城西世謂之思鄉城西去

洧水十五里

案近刻  
脫水字

洧水又右合濩陂水上承洧

水于新汲縣

案近刻  
脫水字于字

南逕新汲縣故城東

案近刻  
脫縣字

又南積而為陂陂之西北即長社城

案社近刻  
訛作舍

陂水

東翼洧堤西面茅邑自城北門列築堤道迄于此岡

世尚謂之茅岡即經所謂茅城邑也

案茅城邑近刻訛作茅邑地

陂水北出東入洧津西納北異流

案此句有脫誤未詳

又東過習陽城西折入于潁

洧水又東南逕辰亭東俗謂之田城非也蓋田辰聲  
相近城亭音韻聯故也經書魯宣公十一年楚子陳  
侯鄭伯盟于辰陵也京相璠曰潁川長平有故辰亭  
杜預曰長平縣東南有辰亭今此城在長平城西北  
長平城在東南或杜氏之謬傳書之誤耳長平東南

淋陂北畔有一阜東西減里南北五十許步俗謂之新亭臺又疑是杜氏所謂辰亭而未之詳也洧水又

南逕長平縣故城西王莽之長正也洧水又南分為

二水枝分東出

宋分近刻  
記作水

謂之五梁溝逕習陽城北

又東逕褚丘南丘上有故城郡國志曰長平故屬汝

南縣有褚丘城即此城也又東逕長平城南東注澇

波洧水南出謂之雞籠水故水會有籠口之名矣洧

水又東逕習陽城西

宋洧近刻  
記作河

西南折入潁地理志

曰洧水東南至長平縣入潁者也

潩水出河南密縣大驄山

大驄即具茨山也黃帝登具茨之山升于洪堤上受

神芝圖于華蓋童子即是山也潩水出其阿流而為

陂

案近刻潩訛作溪  
流而訛作而流

俗謂之玉女池東逕陘山北史

記魏襄王六年敗楚于陘山者也山上有鄭祭仲冢

冢西有子產墓累石為方墳墳東有廟並東北向鄭

城杜元凱言不忘本際廟舊有一枯柏樹其塵根故

株之上多生稚柏成林

案近刻脫此二字

列秀青青望之奇

可嘉矣漢水又東南逕長社城西北

案城字上近刻有林字即上成

訛二字在此

南濮北濮二水出焉劉澄之著永初記云水

經濮水源出大驅山東北流注泗衛靈聞音于水上

殊為乖矣余按水經為濮水不為濮也是水首受濮

水

案濮近刻訛作溪

川渠雙引俱東注洧

案近刻訛作有

洧與之過

沙枝流派亂互得通稱

案互近刻訛作牙

是以春秋昭公九

年遷城父人于陳以夷濮西田益之京相璠曰以夷

之漢西田益也杜預亦言以夷田在濮水西者與城  
父人服虔曰濮水名也且字類音同津瀾邈別不得  
為北濮上源師氏傳音于其上矣澆水又南逕鍾亭  
西又東南逕皇臺案近刻脫<sub>西</sub>又東南逕關亭案近刻脫<sub>西</sub>又  
東南逕宛亭案近刻脫西鄭大夫宛射犬之故邑也澆水又南  
分為二水案近刻脫為字一水南出逕胡城東故潁陰縣之  
狐人亭也其水南結為陂謂之胡城陂澆水自枝渠  
東逕曲強城案近刻脫東城注之水出西北皇臺

七女岡北皇陂即古長社縣之濁澤也史記魏惠王

元年韓懿侯與趙成侯合軍伐魏戰于濁澤是也其

陂北對雞鳴城

案波下近刻衍水字

即長社縣之濁城也

案長近刻

是訛作 波水東南流逕胡泉城北故潁陰縣之狐宗鄉

也又東合胡城陂水

案胡近刻訛作狐

水上承皇陂

案近刻訛作承

波水

而東南流注于黃水謂之合作口而東逕曲強城

北東流入潩水時人謂之勑水非也勑潩音相類故  
字從聲變耳潩水又逕東西武亭間

案近刻訛作又東逕武亭間

兩城相對疑是古之岸門

案岸近刻訛作岑下同

史遷所謂走

屏首于岸門者也徐廣曰潁陰有岸亭未知是否潩

水又南逕射犬城東即鄭公孫射犬城也蓋俗謬耳

潩水又南逕潁陰縣故城西魏明帝封司空陳羣為

侯國其水又東南逕許昌城南

案其水下近刻衍城西二字東南逕脫南

字又東南與宣梁陂水合陂上承狼陂于潁陰城西

南陂南北二十里東西十里春秋左傳曰楚子伐鄭

師于狼淵是也

案近刻脫淵字

其水東南入許昌縣逕巨陵

城北鄭地也春秋左氏傳莊公十四年鄭厲公獲傅  
瑕于大陵京相璠曰潁川臨潁縣東北二十五里有  
故巨陵亭古大陵也其水又東積而為陂謂之宣梁  
陂也陂水又東南入潩水潩水又西南流逕陶城西  
又東南逕陶陂東

東南入于潁

澇水出鄭縣西北平地

澇水出鄧城西北雞絡塢下案西北近刻訛作北西東南流逕

賈復城西東南流左合澠水水出賈復城東南流注于澗澗水又南左會承雲山水水出西北承雲山東南歷渾子岡東注世謂岡峽為五鳴口東南流注于澗澗水又東南流歷下田川逕鄆城西謂之為柳泉水也故史伯答桓公曰君以成周之衆奉辭伐罪若克號鄆君之土也如前華後河案華近刻作華右洛左濟案華近刻作華右洛左濟案華近刻作華主榮驄而食澗洧案榮近刻訛作玉修典刑以守之案修近刻訛作循可以少固即謂此矣澗水又南懸流奔

壑崩注丈餘其下積水成潭廣四十許步淵深難測

又南注于洧詩所謂溱與洧者也世亦謂之為鄭水

也

案亦近刻訛作所

東過其縣北又東南過其縣東又南入于洧水

自鄆澗東南更無別瀆不得逕新鄭而會洧也鄭城

東入洧者黃崖水也蓋經誤證耳

渠出滎陽北河東南過中牟縣之北

風俗通曰渠者水所居也渠水自河與濟亂流

案濟近刻

訛作沛

東逕榮澤北

案近刻  
脫逕字

東南分濟歷中牟縣之

圃田澤北與陽武分水澤多麻黃草故述征記曰踐  
縣境便覩斯卉窮則知踰界今雖不能然諒亦非謬  
詩所謂東有圃草也皇武子曰鄭之有原圃猶秦之  
有具囿

案近刻  
訛作圃

澤在中牟縣西西限長城東極官渡

北佩渠水東西四十許里南北二十許里

案二十近  
刻訛作二

百中有沙岡上下二十四浦津流徑通

案近刻重一  
津字徑訛作

逕淵潭相接各有名焉有大漸小漸

案近刻二漸  
字皆訛作

大

灰小灰義魯練秋大白楊小白楊散嚇禹中

案近刻

中羊圈

案近刻訛作車圖

大鵠小鵠

案近刻脫此二字

龍澤蜜羅

案訛作禹

鬯罷

刻訛作

大哀小哀大長小長大縮小縮伯丘大蓋牛

眼

案近刻訛作眠

等浦水盛則北注渠溢則南播故竹書紀

年梁惠成王十年入河水于甫田又為大溝而引甫

水者也

又有一瀆自酸棗受河導自濮瀆

案濮近刻訛作漢

歷酸棗逕陽武縣南出世謂之十字溝而屬於渠或

謂是瀆為梁惠之年所開

案梁近刻訛作渠

而不能詳也斯

浦乃水澤之所鍾為鄭隰之淵藪矣渠水右合五池

溝

案水近刻訛作又

溝上承澤水

案近刻脫溝字

下流注渠

案近刻脫注字

謂之五池口魏嘉平三年

案近刻訛作二年

司馬懿帥中軍

討太尉王凌于壽春自彼而還帝使侍中韋誕勞軍

于五池者也今其地為五池鄉矣渠水又東不家溝

水注之水出京縣東南梅山北溪春秋襄公十八年

楚薳子馮公子格

案近刻脫楚字

率銳師侵費右迴梅山杜

預曰在密東北即是山也其水自溪東北流逕管城

西故管國也周武王以封管叔矣

案近刻  
案師近刻  
脫王字

成王幼弱

周公攝政管叔流言曰公將不利于孺子公賦鵠鴟  
以伐之即東山之師是也

案師近刻  
訛作詩

左傳宣公十二

年晉師救鄭楚次管以待之杜預曰京縣東北有管

城者是也俗謂之為管水又東北

案又字近刻訛  
在上句俗字下

分

為二水一水東北流注黃雀溝謂之黃淵淵周百步

其一水東越長城東北流水積為淵南北二里東西

百步謂之百尺水北入圃田澤分為二水一水東北

逕東武強城北漢書曹參傳

案此下近刻有斲字行

擊羽嬰于

昆陽追至葉還攻武強因至滎陽薛瓚云按武強城

在陽武縣即斯城也漢高帝六年封騎將莊不識為

侯國又東北流左注于渠為不家水口也一水東流

又屈而南轉東南注白溝也渠水又東清池水注之

案此下近刻有清池二字水出清陽亭西南平地東北流逕清陽

亭南東流即故清人城也詩所謂清人在彭彭為高  
克邑也故杜預春秋釋地云中牟縣西有清陽亭是

也清水又屈而北流至清口澤七虎澗水注之水出

華城南岡

案華近刻  
訛作畢

一源兩派津川趣別西入黃雀

溝

案雀近刻  
訛作崖

東為七虎溪亦謂之為華水也又東北

流紫光澗水注之水出華陽城東北而東流俗名曰

紫光澗又東北注華水華水又東逕棐城北即北林

亭也春秋文公與鄭伯宴于棐林子家賦鴻鴈者也

春秋宣公元年諸侯會于棐林以伐鄭楚救鄭遇于

北林服虔曰北林鄭南地也京相璠曰今滎陽苑陵

縣案苑近刻訛  
作宛下同

有故林鄉在新鄭北故曰北林也余

按林鄉故城在新鄭東如北七十許里

案近刻鄭苑  
下衍北字

陵故城在東南五十許里

案近刻脫  
陵字在字

不得在新鄭北

也攷京服之說並為疎矣杜預云滎陽中牟縣西南

有林亭在鄭北今是亭南去新鄭縣故城四十許里

案近刻  
脫縣字

蓋以南有林鄉亭故杜預據是為北林最為

密矣又以林鄉為棐亦或疑焉諸侯會棐楚遇于此

寧得知不在是而更指他處也積古之傳事或不謬

矣又東北逕鹿臺南岡北出為七虎澗東流期水注之水出期城西北平地世號龍淵水東北流又北逕期城西又北與七虎澗合謂之虎溪水亂流東注逕期城北東會清口水司馬彪郡國志曰中年有清口水即是水也清水又東北白溝水注之水有二源北水出密之梅山東南而東逕靖城南與南水合南水出太山案南水近刻訛作水南出下衍合字西北流至靖城南左注北水即承水也山海經曰承水出太山之陰東北流注

于役水者也世亦謂之靖澗水

案亦近刻  
訛作所

又東北流

太水注之水出太山東平地山海經曰太水出于太

山之陽而東南流注于役水世謂之禮水也東北逕

武陵城西東北流注于承水承水又東北入黃菴澗

北逕中陽城西城內有舊臺甚秀臺側有陂池池水

清深澗水又東屈逕其城北竹書紀年梁惠成王十

七年鄭釐侯來朝中陽者也其水東北流為白溝又

東北逕伯禽城北

案東北近刻  
訛作北東

蓋伯禽之魯往逕所

由也屈而南流東注于清水即潘岳都鄉碑所謂自中牟故縣以西西至于清溝案近刻脫鄉字指是水也亂流東逕中牟宰魯恭祠南漢和帝時右扶風魯恭字仲康以太尉掾遷中牟令政專德化不任刑罰吏民敬信蝗不入境河南尹袁安疑不實使部掾肥親按行之恭隨親行阡陌坐桑樹下雉止其旁有小兒親曰兒何不擊雉曰將雛親起曰蟲不入境一異化及鳥獸二異豎子懷仁三異久留非優賢請還是年嘉禾

生縣庭安美其治以狀上之徵博士侍中車駕每出  
恭常陪乘上顧問民政無所隱諱故能遺愛自古祠  
享來今矣

案享近刻訛作饗

清溝水又東北逕沈清亭

案近刻脫

亭疑即博浪亭也服虔曰博浪陽武南地名也

案南地名

近刻訛作二水沙名

今有亭所未詳也歷博浪澤昔張良為韓

報仇于秦以金椎擊秦始皇不中中其副車于此又

北分為二水枝津東注清水清水自枝流北注渠謂  
之清溝口渠水又左逕陽武縣故城南東為官渡水

又逕曹太祖壘北有高臺謂之官渡臺渡在中牟故世又謂之中牟臺建安五年太祖營官渡袁紹保陽武紹連營稍前依沙堆為屯東西數十里公亦分營相禦合戰不利紹進臨官渡起土山地道以逼壘公亦起高臺以捍之即中牟臺也今臺北土山猶在山之東悉紹舊營遺基並存渠基近刻訛作臺渠水又東逕田豐祠北袁本初慙不納其言害之時人嘉其誠謀無辜見戮故立祠于是用表袁氏覆滅之宜矣又東役

水注之水出苑陵縣西隙候亭東世謂此亭為郤城  
非也蓋隙郤聲相近耳中平陂世名之渥泉也即古  
役水矣山海經曰役山役水所出北流注于河疑是  
水也東北流逕苑陵縣故城北東北流逕焦城東陽  
丘亭西世謂之焦溝水案世近刻記作也

竹書紀年梁惠成

王十六年秦公孫壯率師伐鄭

案近刻脫率師二字

圍焦城不

克即此城也俗謂之驛城非也役水自陽丘亭東流

逕山民城北

案民近刻訛作氏下同

為高榆淵竹書紀年梁惠

成王十六年秦公孫壯率師城上枳安陵山民者也  
又東北為酢溝又東北魯溝水出焉役水又東北逕  
溝水出焉又東北為八丈溝又東清水枝津注之水  
自沈城東派注于役水役水又東逕曹公壘南東與  
沫水合山海經云沫山案近刻脫此二字沫水所出北流注  
于役今是水出中牟城西南疑即沫水也東北流逕  
中牟縣故城西案近刻脫西字昔趙獻侯自耿都此班固云  
趙自邯鄲徙焉趙襄子時佛肸以中牟叛置鼎于庭

不與己者烹之田英將褰裳赴鼎處也薛瓚注漢書  
云中牟在春秋之時為鄭之堰也及三卿分晉則在  
魏之邦土趙自漳北不及此也春秋傳曰衛侯如晉  
過中牟非衛適晉之次也汲郡古文曰齊師伐趙東  
鄙圍中牟此中牟不在趙之東也按中牟當在漯水  
之上矣案漯近刻作濕下同按春秋齊伐晉夷儀晉車千乘在  
中牟衛侯過中牟中牟人欲伐之衛褚師固亡在中  
牟曰衛雖小其君在未可勝也齊師克城而驕遇之

必敗乃敗齊師服虔不列中牟所在杜預曰今滎陽

有中牟迴遠疑為非也然地理參差土無常域隨其

強弱自相吞并疆里流移

案流近刻訛作留

寧可一也兵車

所指逕糾難知自魏徙大梁趙以中牟易魏故趙之

南界極于浮水匪直專漳也

案漳近刻訛作張

趙自西取後

止中牟齊師伐其東鄙于宜無嫌而瓊徑指漯水

案近

刻徑訛作逕脫指字空言中牟所在非論證也漢高帝十一年

封單父聖為侯國沫水又東北注于役水昔魏太祖

之背董卓也間行出中牟為亭長所錄郭長公世語

云為縣所拘功曹請釋焉役水又東北逕中牟澤即

鄭太叔攻崔蒲之盜于是澤也其水東流北屈注渠

案屈近刻  
訛作徒

續述征記

案近刻  
訛作水  
征績記

所謂自醫魁城到

酢溝十里者也渠水又東流而左會淵水

案近刻  
訛作水  
流

其水上承聖女陂陂周二百餘步水無耗竭湛然清

滿而南流注于渠渠水又東南而注大梁也

又東至浚儀縣

渠水東南逕赤城北

案近刻脫渠字逕下衍西字

戴延之所謂西

北有大梁亭非也竹書紀年梁惠成王二十八年穰

案

疵近刻

訛

作苴

渠

疵率師及鄭孔夜戰于梁赫

案疵近刻訛作苴

鄭師敗逋即

此城也左則故瀆出焉秦始皇二十年王賁斷故渠

引水東南出以灌大梁謂之梁溝又東逕大梁城南

本春秋之陽武高陽鄉也于戰國為大梁周梁伯之

故居矣

案近刻訛作之居也

梁伯好土功大其城號曰新里民

疲而潰秦遂取焉後魏惠王自安邑徙都之故曰梁

耳竹書紀年梁惠成王六年四月甲寅徙都于大梁  
是也秦滅魏以為縣漢文帝封孝王于梁孝王以土  
地下溼案近刻訛作濕東都睢陽又改曰梁自是置縣以大  
梁城廣居其東城夷門之東夷門即侯羸抱闕處也  
續述征記以此城為師曠城言郭緣生曾遊此邑踐  
夷門升吹臺終古之跡緬焉盡在余謂此乃梁氏之  
臺門魏惠之都居案都近刻訛作朝非吹臺也當是誤證耳

西征記論儀封人即此縣又非也竹書紀年梁惠成

王三十一年三月為大溝于北郭以行圃田之水陳

留風俗傳曰縣北有浚水像而儀之故曰浚儀余謂

故汎沙為陰溝矣

案近刻  
脫為字

浚之故曰浚其猶春秋之

浚洙乎

案近刻  
脫乎字

漢氏之浚儀水

案近刻  
脫浚字

無他也皆變

名矣其國多池沼時池中出神劔到今其民像而作

之號大梁氏之劔也渠水又北屈分為二水續述征

記曰汎沙到浚儀而分也汎東注沙南流其水更南

流逕梁王吹臺東陳留風俗傳曰縣有蒼頡師曠城

上有列儂之吹臺北有牧澤澤中出蘭蒲

案近刻脫一澤字

上多雋髦衿帶牧澤方十五里俗謂之蒲關澤即謂

此矣梁王增築以為吹臺城隍夷滅畧存故跡今層

臺孤立于牧澤之右矣其臺方百許步即阮嗣宗詠

懷詩所謂駕言發魏都南向望吹臺簫管有遺音梁

王安在哉晉世喪亂乞活憑居削墮故基遂成二層

上基猶方四五十步高一丈餘世謂之乞活臺又謂

之繁臺城

案繁近刻訛作婆

渠水于此

案渠近刻訛作梁

有陰溝鴻

溝之稱焉項羽與漢高分王指是水以為東西之別  
蘇秦說魏襄王曰大王之地南有鴻溝是也故尉氏  
縣有波鄉波亭鴻溝鄉鴻溝亭案波鄉下近刻行亭字皆藉水

以立稱也今蕭縣西亦有鴻溝亭梁國睢陽縣東有  
鴻口亭先後談者亦指此以為楚漢之分王非也蓋  
春秋之所謂紅澤者矣渠水右與汜水合水上承役  
水于苑陵縣案苑近刻訛作宛下同縣故鄭都也王莽之左亭  
縣也役水枝津東派為汜水者也而世俗謂之泥溝

水也春秋左傳僖公三十年晉侯秦伯圍鄭晉軍函

陵秦軍汜南所謂東汜者也

案無他也在此近刻訛  
在後楚東有沙水謂此

水也之下原本不誤

其水又東北逕中牟縣南又東北逕中牟

澤與淵水合水出中牟縣故城北

案近刻脫故字城有層臺

按郭長公世語

案郭長公近刻作郭頌

及干寶晉紀並言中牟

縣故魏任城王臺下池中有漢時鐵錐長六尺入地

三尺頭西南指不可動正月朔自正

案正月近刻以訛作止月

為晉氏中興之瑞

案近刻訛作端

而今不知所在或言在中

陽城池臺未知焉是淵水自池西出屈逕其城西而

東南流注于汜汜水又東逕大梁亭南又東逕梁臺

南東注渠渠水又東南流逕開封縣睢渙二水出焉

右則新溝注之其水出逢池池上承役水于苑陵縣

別為魯溝水東南流逕開封縣故城北漢高帝十一

年封陶舍為侯國也陳留志稱阮簡

案簡近刻訛作  
蘭下二簡字俱

阮字茂弘為開封令縣側有劫賊外白甚急數簡方

圍募長嘯吏云劫急簡曰局上有劫亦甚急其耽樂

如是故語林曰王中郎以園棊為坐隱或亦謂之為手談又謂之為棋聖魯溝南際富城東南入百尺陂即古之逢澤也徐廣史記音義曰秦使公子少官率師會諸侯逢澤案近刻訛作秦孝公  
會諸侯于逢澤陂陂沒郡墓竹書紀

年作秦孝公會諸侯于逢澤案近刻脫秦孝公  
會諸侯于七字斯其

處也故應德璉西征賦曰鸞衡東指弭節逢澤其水東北流為新溝新溝又東北流逕牛首鄉北謂之牛建城又東北注渠案近刻訛作梁即沙水也音蔡許慎正作

沙音言水散石也從水少水少沙見矣

案水少沙見近刻脫少字

楚東有沙水謂此水也

又屈南至扶溝縣北

案近刻脫縣字

沙水又東南逕牛首鄉東南魯溝水出焉

案溝近刻訛作渠

亦謂之宋溝也又逕陳留縣故城南孟康曰留鄭邑

也後為陳所并故曰陳留矣魯溝水又東南逕圉縣

故城北縣苦楚難脩其干戈以圉其患故曰圉也或  
曰邊陲之號矣歷萬人散王莽之篡也東郡太守翟

義興兵討莽莽遣奮威將軍孫建擊之于圉北義師  
大敗尸積萬數血流溢道號其處為萬人散百姓哀  
而祠之又歷魯溝亭又東南至陽夏縣故城西漢高  
祖六年封陳豨為侯國魯溝又南入渦今無水也沙  
水又東南逕斗城西左傳襄公三十年子產殯伯有  
戶其臣葬之于是也

案近刻是  
下有城字

沙水又東南逕牛首

亭東左傳桓公十四年宋人與諸侯伐鄭東郊取牛  
首者也俗謂之車牛城矣沙水又東南八里溝水出

焉又東南逕陳留縣裴氏鄉裴氏亭西又逕澹臺子  
羽冢東與八里溝合按陳留風俗傳曰陳留縣裴氏  
鄉有澹臺子羽冢又有子羽祠民祈禱焉案近刻京  
脱民字

相璠曰今泰山南武城縣有澹臺子羽冢縣人也未  
知就是因其方志所叙就記纏絡焉溝水上承沙河  
而西南流逕牛首亭南與百尺陂水合其水自陂南  
逕開封城東三里岡左屈而西流南轉注八里溝又  
南得野免水口水上承西南免氏亭北野免陂鄭地

也春秋傳云鄭伯勞屈生于免氏者也陂水東北入  
八里溝八里溝水又南逕石倉城西案石近刻訛作右又南  
逕免氏亭東又南逕召陵亭西案召陵亭近刻訛作邵亭東入沙  
水沙水南逕扶溝縣故城東縣即潁川之穀平鄉也  
有扶亭又有洧水溝故縣有扶溝之名焉建武元年  
漢光武封平狄將軍朱鮪為侯國沙水又東與康溝  
水合水首受洧水于長社縣東東北逕向岡西即鄭  
之向鄉也後人遏其上口今水盛則北注水耗則輟

流又有長明溝水注之水出苑陵縣故城西北縣有

二城此則西城也二城以東悉多陂澤即古制澤也

京相璠曰鄭地杜預曰澤在滎陽苑陵縣東即春秋

之制田也故城西北平地出泉謂之龍淵泉水流

逕陵丘亭西

案泉水近  
刻作淵水

又西重泉水注之水出城西

北平地

案城西近  
訛作西城  
刻

泉湧南流逕陵丘亭西南注

龍淵水龍淵水又東南逕凡陽亭西而南入白鴈陂

陂在長社縣東北

案近  
刻  
脫縣字

東西七里南北十里在林

鄉之西南司馬彪郡國志曰苑陵有林鄉亭白鴈陂

又引瀆南流謂之長明溝東轉北屈又東逕向城北

城側有向岡

案近刻  
脫有字

左傳襄公十一年諸侯伐鄭師

于向者也又東右迤為染澤陂而東注于蔡澤陂長

明溝水又東逕尉氏縣故城南圈稱云尉氏鄭國之

東鄙弊獄官名也鄭大夫尉氏之邑故樂盈曰盈將

歸死于尉氏也溝瀆自是三分北分為康溝東逕平

陸縣故城北高后元年封楚元王子禮為侯國建武

元年以戶不滿三千罷為尉氏縣之陵樹鄉又有陵  
樹亭漢建安中封尚書荀攸為陵樹鄉侯故陳留風  
俗傳曰陵樹鄉故平陸縣也北有大澤名曰長樂廄  
康溝又東逕扶溝縣之白亭北陳留風俗傳曰扶溝  
縣有帛鄉帛亭名在七鄉十二亭中康溝又東逕少  
曲亭陳留風俗傳曰尉氏縣有少曲亭俗謂之小城  
也又東南逕扶溝縣故城東而東南注沙水沙水又  
南會南水其水南流又分為二水一水南逕關亭東

案逕近刻  
訛作合

又東南流與左水合其水自枝瀆南逕召

陵亭西疑即扶溝之亭也而東南合右水

案右近刻  
訛作石

世以是水與鄢陵陂水雙導亦謂之雙溝又東南入

沙水沙水南與蔡澤陂水合水出鄢陵城西北春秋

成公十六年晉楚相遇于鄢陵呂錡射中共王目王

召養由基使射殺之亦子反醉酒自斃處也陂東西

五里南北十里陂水東逕匡城在新汲縣之東

北即扶溝之匡亭也亭在匡城鄉春秋文公元年諸

侯朝晉衛成公不朝使孔達侵鄭伐縣訾及匡即此邑也今陳留長垣縣南有匡城即平丘之匡亭也襄邑又有承匡城然匡居陳衛之間亦往往有異邑矣陂水又東南至扶溝城北又東南入沙水沙水又南逕小扶城西而東南流也城即扶溝縣之平周亭東漢和帝永元中案近刻訛作順帝永平中封陳敬王子參為侯國孫子恭為侯國沙水又東南逕大扶城西城即扶樂故城也案近刻訛作扶鄉故縣也城北二里有袁良碑案良近刻記作梁下

同

云良陳國扶樂人

案近刻  
脫國字

後漢世祖建武十七年

更封劉隆為扶樂侯即此城也渴水于是分焉不得在扶溝北便分為二水也

其一者東南過陳縣北

案北近  
訛作也

沙水又東南逕東華城西又東南沙水枝瀆西南達洧謂之甲庚溝今無水沙水又南與廣漕渠合上承龐宮陂云鄧艾所開也雖水流廢興溝瀆尚夥昔賈逵為魏豫州刺史通運渠二百里餘亦所謂賈侯渠

也而川渠逕復交錯畛陌無以辨之沙水又東逕長平縣故城北又東南逕陳城北故陳國也伏羲神農並都之城東北三十許里猶有羲城實中

案城近刻訛作神

舜後媯滿為周陶正武王賴其器用妻以元女太姬而封諸陳以備三恪太姬好祭祀故詩所謂坎其擊鼓宛丘之下宛丘在陳城南道東王隱云漸欲平今不知所在矣楚討陳殺夏徵舒于栗門以為夏州後城之東門內有池池水東西七十步南北八十許步

水至清潔而不耗竭不生魚草水中有故臺處詩所謂東門之池也城內有漢相王君造四縣邸碑文字剝缺案近刻作落不可悉識其畧曰惟茲陳國故曰淮陽郡云云清惠著聞為百姓畏愛求賢養士千有餘人賜與田宅吏舍自損俸錢助之成邸五官掾西華陳騏等二百五人以延熹二年云云故其頌曰脩德立功四縣回附今碑之左右遺墉尚存基礎猶在時人不復尋其碑證云孔子廟學非也後楚襄王為秦所

滅徙都于此文穎曰西楚矣三楚斯其一焉城南郭  
裏又有一城名曰淮陽城子產所置也漢高祖十  
年以為淮陽國王莽更名郡為新平

案近刻脫  
郡為二字縣曰

陳陵案近刻訛  
作陵陳故豫州治王隱晉書地道記云城北

有故沙名之為死沙而今水流津通漕運所由矣沙  
水又東而南屈逕陳城東謂之百尺溝又南分為二

水新溝水出焉

案新溝水近  
刻訛作沙水

溝水東南流谷水注之

水源上承澇陂陂在陳城西北南暨華城

案華近  
刻訛作華

皆為陂矣陂水東流謂之谷水東逕澇城北王隱曰  
華北有谷水是也華即檉矣經書公會齊宋于檉者  
也杜預曰檉即華也在陳縣西北為非檉小城也在  
陳郡西南谷水又東逕陳城南案又東下近刻有流字  
入于新溝水案近刻訛作入于沙沙水又東南注于潁案東南下近刻有流字

字謂之交口水次有大堰即古百尺堰也魏書國志  
曰司馬宣王討太尉王凌大軍掩至百尺堨案近刻脫掩二字  
即此堨也今俗呼之為山陽堰非也蓋新水首受潁

于百尺溝案此下近刻有王莽名郡為新平七字係重出行文故堰兼有新陽之名也以是推之悟故俗謂之非矣

又東南至汝南新陽縣北

沙水自百尺溝東逕寧平縣之故城南晉陽秋稱晉太傅東海王越之東奔也石勒追之殢尸于此數十萬衆斂手受害勒縱騎圍射尸積如山王夷甫死焉余謂俊者所以智勝羣情辨者所以文身祛惑夷甫雖體荷雋令口擅雌黃汙辱君親獲罪羯勒史官方

之華王

案近刻訛作舉正

諒為襄矣沙水又東積而為陂謂

之陽都陂

案近刻脫波字

明水注之水上承沙水枝津

案近刻枝

訛作之

東出逕汝南郡之宜祿縣故城北王莽之賞都

亭也明水又東北流注于陂陂水東南流謂之細水

又東逕新陽縣北又東高陂水東出焉沙水又東分

為二水即春秋所謂夷濮之水也枝津北逕譙縣故

城西側城入渦沙水東南逕城父縣西南枝津出焉

俗謂之章水

案此下刻有也字

一水東注即濮水也

案濮近刻訛作

注俗謂之父水

案艾近刻訛作欠

東逕城父縣之故城南東

流注也

案東字近刻訛在南字上也訛作之

又東南過山桑縣北

山桑故城在渦水北沙水不得逕其北明矣經言過北誤也

又東南過龍亢縣南

沙水逕故城北

案近刻脫逕字

又東南逕白鹿城北而東注

也

又東南過義成縣西

案成近刻訛  
作城注內同

南入于淮


義成縣故屬沛後隸九江沙水東流注于淮謂之沙  
汭京相璠曰楚東地也春秋左傳昭公二十七年楚  
令尹子常以舟師及沙汭而還杜預曰沙水名也

金匱正圖卷二十二

卷二十二



水經注卷二十二



總校官庶吉士臣張能照  
校對官庶吉士臣徐如澍  
謄錄監生臣張孝基